



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1704.

urn:nbn:de:hbz:466:1-29436

nium, Mariopolim, Elbingam subjugant, deletis insuper 7 à Varsavia milliaribus magna clade Saxonibus.

ANNUS 1704.

Ferrariensis ditio à Pontifice Gallis simul & Germanis sive serio, sive dolo Gallico interdicta. Excedentibus Germanis Galli in eorū nidū involant, magno Cæsareanorū detrimento, cæterum anceps in Italia fuit belli alea, jam in hanc jam alteram partem inclinante victoriâ. A Cæsareis ad montem Chiari Gallorum equitum 1600, Pyrobolariorum 1000, cincti & ad unum omnes prope interfecti sunt. In Pedemontio quoque respirare non semel visus est Sabaudus Germanorum ope, Gallis per velitationes varias fufis, fugatisque. A Gallis econtra levioribus in conflictibus non semel quoque triumphatum, capta Susa, & Vercellum. Obiit è feбри calida junior Vaudemontius maximæ expectationis Princeps, parente suo hoc felicior, quod & in fide Cæsaris, & victoriarum cursu obierit.

In Germania uberores Cæsari & Fœderatis crevère Laureæ. Primam dedit mons Schellenberg sed non sine sanguine, eum probe circumvallatum à Bayaris, aggressi

Badensis & Marleburgus (qui simulatâ prius ad Mosellam viâ Cæsareis sese junxerat cum florentissimo 30000 exercitu) post crebros demum assultus expugnârunt, cæsis 8000 Bavaris. Victoriæ appendix fuit Donaverta, Neoburgum, Dilinga, omnisque pene Bavaria sub jugum missa. Alteram, eamque ab hominum memoria inauditam incomparabilis Eugenii & Marleburgi fortitudo peperit die 13 Aug. quando interne-
 cione ab iisdem cæsi Gallo-Bavaril, castrisq; exuti sunt. Occubuere in loco prælii Gallorum & Bavarorum 14000, submersi 4000, capti 12000, cum supremo exercitus Gallici Duce Tallardo, & Officialibus primæ notæ plurimis. Fusus ita Bavarus cum Marsinio & exercitu reliquo Ulmam & Memmingam, inde Herciniam versus Argentoratum in Alsatiam profugit, relictâ cum omni apparatu comeatûque Augustâ Vindelicorum, Lauinga, Memminga, & Braunavia Ulma quoque cum Passavio, Kufsteinio, Ingolstadio, Ratisbona, & omni passim Baviariâ ante anni finem in Cæsaris potestatem venit. Sequens fugientem victor exercitus Landavium obsidet & capit 23 Nov. præsentem & urgente operas Josepho Rom. Rege. Ultri-

- Ultima anni hujus expeditio in Germania Trarbacum fuit ab Hasso-Cassellano subjugatum. 18 Dec. Heisterus in Ungaria rebelles delet, caesis 5000, captis 300.

- Interea bonis avibus viam suam in Lusitaniam prosequens Carolus III. Hispaniarum Rex in Hollandiam & Angliam pervenit. Ubi Regio apparatus à Regina, suavi suae comitate omnium animos sibi devincivit. Inde 16 Januar. cum classe Anglo-Batavica sub Archithalasso de Rook in Lusitaniam vela fecit, appulitque. Ulyssipone 9 Martii magnificè à Rege salutatus. Sed ut solent misceri lætis tristia, sponsam reperit 9 Febr. jam fato functam.

Philippus bellum Lusitaniæ primus infert, variasque ejusdem urbes diripit. Hi contra cæso Ronguillo Castiliam usq; progrediuntur fuis 5000 Gallo-Hispanis, & 5 in ea urbes intercipiunt. Barcinonem tamen Darmstadiensis irritò dolo tentat. 4 Aug. Gibraltara arx fretum gadetanum à mediterraneo angusto sinu dividens ignivomo Marte expugnatur. Irrito anno sequente conatu à Gallo-Hispanis tentatum de victa classe Gallica. A classe Anglo-Batavica. In conspectu Malagæ ancipiti prælio cum Gallicis confligit classis Anglica. K 7 In Gal-

In Galliis bellum gliscit intestinum, de-
poscentibus religionis libertatem armata
manu heterodoxis. Sopitum id quidem
non semel mulctatis gravi supplicio variis
rebellium capitibus, sed resuscitatum sem-
per ab Anglo-Batavis, necusque plenè re-
stinctum.

Ducissa Burgundiæ hoc anno Ducem Bri-
tanniæ marito peperit maximo totius aulae
jubilo.

In Livonia Schlippenbachius à Mosco-
cladem accipit, qui postremus Dorpium
quidem deditione, Narvam verò armata
manu capit.

Confœderati Poloni à fide Regis Augu-
sti se absolventes, eo deposito Stanislaum
Lecinskium in thronum evehunt urgente
Suecorum Rege, reclamantibus Polonis plu-
rimis cum ipso Cardinali primate.

19 Aug. Felices cum Suecis congregiun-
tur Saxones campumque victores retinent,
sub initium verò Nov. infelices: interim Au-
gustus Rex cum magno Moscorum Duce fœ-
dus off- & defensivum iniit.

Cardinalis Guillelmus Fürstenbergius
Episcopus Argentinensis Parisiis moritur.

AN-